

GOBIERNO INSULAR TA RECONOCE PERSONANAN DEN NOS COMUNIDAD



Recientemente gobierno di territorio insular di Aruba a ofrece un homenahe na diferente personanan

den nos comunidad cu a destaca ariba un u otro terreno of cu a haci algo pa nos isla.

Lugina Vilchez, Miss Aruba 78 y Magaly Maduro, Miss Aruba 79 a ricibi un plakaat como embahado-

ranan di buena voluntad.

Nan respectivo representacion di nos isla den exterior indudablemente ta contribui y lo sigui contribui pa e enorme propaganda turistico di nos isla den exterior.

e taxista Juan Frans a ricibi un plakaat pa su destacado labor como taxista durante 34 aña y pa su servicio presta na turistanan cu ta bi-shita nos isla.

E personanan aki a ricibi na merecido plakaat for di man di diputado Daniel Leo.

Ariba terreno cultural Diputado Nel Oduber a entrega un plakaat na e cantantenan Ramon Krozendijk cu a representa nos isla y Antillas durante e festival di O.T.I. na un manera formidabel.

Maybeliné Arends-Croes, maestra di musica a ricibi un homenahe pa su trabao pa cu e hubentud Arubano.

Hubert Booi, hefe di Instituto di

Cultura a ricibi un plakaat pa su contribucion pa cu nos cultura, especialmente ariba e tereno musical. Oslin Boekhoudt y dokter Hector Mitelman tambe a worde honra cu un plakaat pa nan contribucion ariba terreno teatral y terreno di medicina respectivamente.

Pa motibo di permanencia den exterior ambos persona no por tabata presenta pa ricibi nan plakaat na Concorde Hotel.

Oslin Boekhoudt ta un conocido actor y regisor local, mientras cu dokter Mitelman durante aña 79 a organisa un congreso pediatrico cu a atrae un cantidad grandi di pediatriconan for di diferente parti di mundo.

Ta e intencion di gobierno insular pa sigui duna muestra di aprecio na tur esnan cu ta contribui voluntariamente na e desarrollo total di nos isla sin distincion di clero, rasa of opinion politico.

